

皈依三寶禮謝衆真稽首恭辭伏惟珍重

三禮謝

至心稽首禮謝

太上无極大道

至心稽首禮謝

三十六部尊經

至心稽首禮謝

玄中大法師

巨聞二儀育質九炁凝形千真皆會於三田  
九炁森羅於六府百關通暢九竅開聰魂靜  
魄寧神清炁爽生身受度并憑茲功德福壽  
見在津梁未來俯遂丹衷實蒙玄貺等草  
茅賤質蟻蟻微生輒膺命以求真伏洪慈而  
濟物虔伸懇悃普被恩光既釐事以慶成豈  
塵凡之久駐伏望雲車風馬齊却返於層霄  
珠蕊玉華盡飄零於碧落二十八等仰謝天恩下  
情無任激切之至

回轡頌

法師下座送真

焚燎

贊引歸靜默堂

小啓謝師  
向來

靈寶領教濟度金書卷之一百七十七

正一天師清微弟子 洪百堅 製作



靈寶領教濟度金書卷之一百七十八 垂元

洞微高士開光救苦真人竈金真授

靈寶通玄弘教水南先生林靈真編

科儀立成品預修黃錄齊用

傳戒儀

華夏贊引出戒座前

唱座

空浮獅座赤明初 玉局開祥萬變居

今日靈虛漸接武 宗乘奕奕耀堪輿

金闕化身天尊

升座 學仙讚

此香自本自根非雕非琢芳凝太極開鼻觀  
之清氣韻徹先天洞心源之妙化藹向爐中  
遙伸供養

無上至真道寶上祝

皇帝陛下伏願化周坤軸德契乾儀諸夏版

仁晉同穎雙岐之瑞四夷慕義統異俗重譯

之祥禽魚飛躍於至和動植蕃鮮於大治

初捻上香

此香微妙天鍾希夷地結根盤西閣接鸞翠

之清陰幹覆東諸挹泰珠之芳潤蕪向爐中

遙瞻供養

無上至真經寶奉祝

內輔外僚公卿守宰伏願彬彬佐運濟濟依  
光位棘面槐事上忠輸於佐翊種花剖竹愛

民仁浹於撫綏青春之麥隴翻鋤白日之榆  
陸靜析

### 二捨上香

此香遠岱毓資方嶠至質雲飛金鼎通五德  
以網緼風襲瓊彝亘三千而縹緲黃向爐中  
遙瞻供養

無上至真師寶奉祝

預修弟子某伏願三壽帝錫五福天來步武  
高華落惡根於北部精神悅茂證善藥於南  
昌歲寒東松栢之貞月旦藹粉榆之譽

### 三捨上香

重義名香普仰供養

三寶上帝十極高真四界九霄諸天至聖日  
月星宿北斗南辰省府院司三官四聖靈虛  
執職經籍度師地水真靈洞天福地承符宣

德無量仙靈恭願綠輦丹輿瓊輪羽蓋翼轅  
驟乘飛空步虛俯降玄壇證明傳戒

### 平坐讚

雲行碧落織鳥飛坐閬山中一局棋梓澤平  
泉春易老何如超悟了真機共惟預修弟子  
某統綺家聲青梁氣味載香架溢詩書之厚  
澤綿綿芴潤床盈文獻之芳猷燦燦絕歎羨  
於龍鱗鳳翼付等閑於蝸角蠅頭觀世運之  
輪翻慨時光之梭擲傍花隨柳風月無邊問  
菊撫松煙霞有趣蓋翩翩濁世中佳公子也  
而又仰止清微皈依茶極念夢幻泡影須臾  
之法思地水火風假合之身袞袞生前中流  
之壹孰付茫茫身後暗室之燭未聞爰啓玄  
壇肆翻丹笈按預修而建設砥柱方來蓮受  
度以修崇津梁見在有徹土兩先之喜無索  
表寒後之憂所冀北鬱刊名南昌寄籍亦可  
謂悟為善最樂之希矣徹與道合真之玄妙  
者矣人生天地間如白駒過隙雖位尊九鼎  
祿享萬鍾利澤施於時名聲昭於世威靈氣  
駭動搖山嶽終猶邯鄲一枕槐安一打彈指

百年驚心九夜前程序暗如漆孰操彼岸之  
舟是以智人達士莫不留神勇退見性知幾  
如扁舟五湖棄人間事從赤松子遊至今仙  
籍浮香運劫齡而未已者豈非生也聞道事  
安期生遇圯上老人後密有所授而然耶今  
預修弟子某生身受度惟道是依意亦有見  
於此矣在昔元始至尊因北帝啓問玉音演  
宣謂濁世元元生存之日能受持九真妙戒  
皈依金錄白簡當消九幽大罪標名金格列  
字玉清緣運不絕飛行太空得為九官真人  
事具專經不可誣也世人保真者少迷惑者  
多終日營營酬酢萬變蟻燈蟻磨構成累業  
五賊六鑿紛錯於五官六府間陰有神靈登  
紀簿錄他生拯焚救溺將何為津梁哉故宜  
生存之身受符戒之度如

靈實上品所謂生身受度劫劫長存此大道  
慈悲濟度之本心天專委由護持之願力也  
今日奉事慶成玄壇孔備九朝禮磬六轉經  
周玉璧金龍告成三元憲府合遵經旨傳戒  
授符以為皈依扶持之信

夫戒者所以檢情復性離妄成真也戒則誠不戒則慢戒則逸不戒則危戒則富貴康寧不戒則凶折惡弱戒則神靈敬護不戒則魔妖侵凌戒則見存福慶身後隆昌不戒則行藏顛覆途苦跋躓

譬諸履途達者以戒為燈涉大川者以戒為筏拯沉痾者以戒為藥濟炎亢者以戒為霖戒之不可須臾離也若此今對千真萬聖之前衷心默念依科宣演先皈命於三寶次傳授於九真然後密付二符臻誠佩奉必得今生福慶他世尊榮法眾運誠人各恭信

接人各恭信

智慧頌

預修弟子第一皈依無上道寶

夫道寶者彌綸三極範圍八圓大無不包細無不入提挈天地把握陰陽稽首皈依生生信禮

信禮

稽首皈依道 大羅元始尊 窈冥開祖劫  
混沌立天根 願垂玄妙法 提拯預修人  
一心宜諦受

預修弟子第二皈依無上經寶

大經寶者玉音敷暢金口宏宣萬八千篇三十六部辭該真寶義貫虛玄稽首皈依生生信禮

稽首皈依經

仙真演妙言

撰金成鳳篆

標玉寫龍文

願開秘密藏

解悟預修人

一心宜諦受

預修弟子第三皈依無上師寶

夫師寶者天人模範今古梯階丕闡九清宏該三洞流芳後覺濟度前修稽首皈依生生信禮

稽首皈依師

慈悲轉法輪

先天留大教

歷劫度迷津

願留清靜訓

接引預修人

一心宜諦受

三寶既已皈依九戒今當傳授

預修弟子第一戒者敬讓孝養父母是名初

真戒受持之後獲端正長壽果

稽首初真戒

孝為百行先

晨昏勤定省

甘旨奉尊親

受持無退轉

永保道心堅

和生生常信奉

預修弟子第二戒者克勤忠於君主是名念

真戒受持之後獲聰明智慧果

稽首念真戒

精忠貫上天

立朝端正操

泣事秉廉勤

受持無退轉

永表道心堅

和生生常信奉

預修弟子第三戒者不殺慈救眾生是名持

真戒受持之後獲富貴壽盛果

稽首持真戒

常懷一視仁

待人推惻隱

人我共無與

受持無退轉

永表道心堅

和生生常信奉

預修弟子第四戒者不淫正身處物是名守

真戒受持之後獲吉慶安樂果

稽首守真戒

端嚴正立身

行藏無兼污

濫媮瀆無倫

受持無退轉

永保道心堅

和生生常信奉

預修弟子第五戒者不盜推義損己是名保

真戒受持之後獲清靜善勝果

稽首保真戒

廉隅勵潔純

無求天隱相

貪得鬼殃侵

受持無退轉

永表道心堅

和生生常信奉

預修弟子第六戒者不嗔不得兇怒凌人是名修真戒受持之後獲祿位清顯果  
稽首修真戒 宵涵萬象春 消除忘念慾 和合等冤親 受持無退轉 永表道心堅 和生生常信奉

預修弟子第七戒者不詐不得詭賊害善是名成真戒受持之後獲具足十相果  
稽首成真戒 休隨巧詐群 偏阿多曲徑 邪毒損仁賢 受持無退轉 永表道心堅 和生生常信奉

預修弟子第八戒者不驕不得傲忽至真是名得真戒受持之後獲大道正法果  
稽首得真戒 驕凌速近聞 輕狂除恃已 忽慢勿欺真 受持無退轉 永表道心堅 和生生常信奉

預修弟子第九戒者不二奉戒專一是名登真戒受持之後獲證大法王果  
稽首登真戒 精專秉至誠 清齋修玉律 奉戒實金文 受持無退轉 永表道心堅 和生生常信奉

九戒宣傳一心諦受由茲以往行住坐卧不離戒律出入起居勿離戒法自然等罪往於虛玄付轉輪於空洞今生受福異日蒙禧非虛諭也更有元始金錄白簡救苦真符長生靈符今當依準真勅對聖傳付自然消愆黑朔變化朱陵請運升誠勸奉信佩

宣救苦簡 宣長生簡

救苦白簡一名東華青官救苦九龍金錄所以救今生之罪苦俾地司無逼令也長生白簡一名南昌紫微流金鍊真之錄所以導他生之徑路俾天堂有超凌也今既依科給付如律宣行謹請察命童子護戒威神五帝直符六官攝吏不忘元始慈訓隨戒隨簡覆護衛嚴辟斥魔靈保成戒行迎祥衍慶劫劫毋忘

奉戒頌

預修弟子身陰道無心游玄境慮根塵之結習故嚴佩符受戒之威儀閱世諦之淨休故遵隨劫齊年之法度所謂生身受度預修黃籙玄科妙檢燦然琅函玉笈間莫不佩奉

修持固有踰越將見愆隨滅福逐析生他日南宮受書逐形天上人間逍遙自在豈不樂哉以今傳戒事畢慶簡功圓向來邀請萬聖千真駐景虛無翠葆翩翩諒旋紫漢霓旌雜運將返丹霄不勝慕戀之私第劇皈依之切大衆且道傳戒授符後還作麼生

虛靈圓妙去來同 無欠無餘萬古融 風靜雲藏涵定水 一輪桂魄朗秋空 向來

靈寶領教濟度金書卷之一百七十八